

紫園草卷六

七言律

南臺即事 己巳

峰頭霽色山山見  
樹杪風聲日日聞  
傍寺花開看寂寂  
隔窓禽語自云云  
為滋靈藥常飛雨  
欲護禪床每駐雲  
燈火秋空群籟息  
月明天淨坐宵分

霽閣中秋同守齋舍弟

山間今夜月華明  
何處仙人度鳳笙  
並坐雲霄元勝賞  
對床風雨未寒盟  
光看足練塵心淨  
影入天香秋

衡郡曾朝節者





興清吾道向來欣有覺大明須遣泰階平

答友人

三載踈慵敢自欺十年淹滯命相宜身閒且快登山興主聖終懸用世思積果美珠從韞久梅禁寒雪得花奇真機自握乘吾遇不向人間浪喜悲

祝融峯與同遊諸生放歌

嶽頂高歌月正秋坐看紅日上瀛洲萬峯巖峩只小  
小兩間窳廓殊悠悠已知極目窮華裔更覺翻身礙  
斗牛欲叩祝融談上古寸心遙拱帝王州

和友人韻

春風春服浴春沂歎息斯人是可作三石不移貧賤  
守此生甘與俗情違行常知止心處自有真源悟  
者稀舉翮自須千仞上肯隨斥鴳只尋飛  
學術先須辨所歸祇憑意見行經處無得真俗無高  
下知性明心有是非打坐未忘心已失孔  
顏衣躬行處處堪深省毘勉休教始領違

嶽寺

天地江山會有人僧家非主我非賓陰陽嘔吸微樞  
運草木禽魚萬化新肯以身誠為至寶始明心即是  
洪鈞由來斯道憑擔荷莫向空林嘆聖神



謝田翁惠皮製壯上衣

帝城春色百花叢去馬嚴寒雪滿空披褐待依龍袞  
聖關情真憶鹿皮翁方從獵較占行可擬以裁成了  
化工無限心期生感激肯辜今日贈遺中

玉河水泮 丁丑

御溝春候散餘寒碧玉流澌雪後看煖帶宮雲今太  
液風回瓊砌動微瀾堤垂初柳搖清影波浸遙天寫  
翠巒潛泳漸應溼帝澤釣遊吾欲下綸竿

大婚禮成紀事

皇闈春色五雲籠御路光華駕彩虹綸翟霞明仙仗

引霓裳雲簇篆烟通雙星漢外晴宵合五鳳天邊麗  
景融太姒周南風化遠佇聞占夢叶維熊

送諸翰林冊封宗藩

當朝芸閣盛文儒使節分茅下禁廬聲散玉珂霄漢  
迥詔承金策寵榮俱遙瞻瑞靄仙輅度清對蟾光夜  
館孤愛客定多梁苑賞賦成還有鴈來無

秋日早朝詩

玉佩凌晨霜月清尚聞殘漏曙鷄鳴東華日旭秋光  
灑建極天高帝座明鳧舄似隨鴻影下霓旌還覺露  
珠縈詞臣消渴金莖在豈為年芳感嘆生



賦得金臺夕照

立馬燕昭舊築臺那堪落日思悲哉  
千山西擁晚陰合一鴈北隨殘照來  
映砌尚疑金動色懷賢誰惜骨全灰  
只今萬乘龍飛地佐主紛紛總駿才

登春臺詩

芳辰羈思欲如何與客登臺一笑歌  
日暖上林鶯轉巧風和南國鴈回多  
芊眠草染青雲色冶艷花霑赤頰  
醜騁望此時聊縱興塵埃車馬嘆蹉跎

贈陳光祿歸瓊州是王先生所親

萬里來作成均遊拜命還看近冕旒  
不慙負鼎干明

主况說調羹屬舊游  
新秋海色縈鄉思涼月鴻聲益暮愁  
便欲賦歸應未久家山清夢到皇州

贈王傳巖赴臨漳令

王粲才名鄴下無却來漳水下  
仙鳧臺荒定灑西陵淚吏散還操舊竹觚  
撫字只今勞百里篇章終不讓三都  
共言飾治須文學會見蜚聲徹帝衢

送沈君典病告還宣城

賈生初上治安書夢裏滄江涕淚餘  
浩渺紫烟歸得計淒迷芳草跡從踈  
鳴珂影憶鷓能並染翰才憐鳳不如  
可道茂陵甘嬾薄主恩回首一躊躇



送盛鳳岡太史冊封蜀藩

使輶遙望太行雲却到三峰客思紛擁傳尚過危棧  
外分茅元指浣花濱錦江水碧明宮紱劔閣風清散  
佩芬若上子雲亭送目書成不讓草玄文

秋日同陳膳部伍中翰別滄南年兄用五岳韻  
節使輶車擁漢京酒携燕市且同傾離心欲惱初秋  
色旅思誰堪隻鴈驚陳壽史才推粉署伍喬詩興倚  
金莖分岐我更憐何遜賦就梅花好寄聲

送楊肖翁司訓潮州是貞復尊君

郎藝苑擅才名尚領青衿指鳳城潮州連壤自諳

邊海俗到官翻慰故鄉情談禪肯聽靈山偈留客還  
食骨董羨未必祇誇庭訓好韓山花滿又諸生

馬文莊閣老挽詩

物望同傾帝者師南宮猶憶及門時新麻一日歸釣  
軸舊德千年重鼎司弼亮正看勲業在摧殘忽有老  
成悲皇家恩卹今非薄淚灑西風自不支

送大行欽吾使歸

郵程歲裏使星寒會面人今送別難壯日曾叨秋共  
榜廿年方喜晚同官都門去憶青樽隔郢里歌聞白  
雪殘君擅才華應繼響待來貫酒續餘歡



張使君宅連歲八月梁上產芝

張侯堂裏瑞為業神草年年照耀中傍壘似緣同賀  
燕當秋元不藉春風迸來彩色雲霞爛望處祥光海  
岱通定兆棟梁明聖日蒸成和氣藹天工

酬上高謝丞寄贈

薊雪飛鴻斷遠天偶逢春至尺書傳械開幾字詩如  
玉興到平生思若泉官散只今隨長吏訟閒元不異  
神仙承明趨走嗟余暮豈有功名著細旃

韋園同訥軒錫川二吉士

馬首郊原四望通春風臺榭見花叢樽當錦繡迷晴

畫坐擁雲霞聖晚空臨  
開官軟遊不惜濬歸  
開官軟遊不惜濬歸  
開官軟遊不惜濬歸

贈廣部使歸

青雲才子下明光使節都門動驥驎桂袂淮南娛上  
客匡廬天外待中郎人驚斗氣連携劔曲有陽春滿  
舊囊莫以采蘭鄉土戀鳳城迴首佇含香

贈龍渠東之竹溪

君家五馬風流在諸弟翩翩執苑聞舊有青萍甘落  
鳧尚携彤管欲凌雲即期瑞色瓊枝合不盡春光玉  
殿分今向鄖西應自別官墻桃李看紛紛



送徐翰讀檢菴荆楚二藩冊封

使旌江外簇風雲  
楚國蒼茫一望分  
山入麒麟能遲  
客賦傳鸚鵡  
又輸君杯停黃鶴  
看晴樹吟倚滄浪散  
夕氛幽勝未容歸  
興劇欲從金馬挹清芬

送胡雲屏備兵大名

抗疏都人識舊驄  
誰將直道任飛蓬  
旋推經術君恩  
重又領戎機使節  
雄分陝近瞻周鑄  
北停雲遙接岱  
山東鎮聞未忘籌  
邊略保障行看萬里功

贈楊翁拜官還江右翁尊君為大叅東溪公令

子能文詞

當年岳牧擅清芬  
少日趨庭爾不群  
自惜衰遲供白  
髮尚看意氣負青雲  
來遊燕市衣冠會  
喜謁天家寵  
渥紛行色暫應辭  
鳳闕仙郎秋信佇  
相聞

丘謙之以高州守移保寧賦贈

褰帷蜀道不嗟難  
五馬還如海上看  
到處風流忘作  
吏何人意氣好相  
驩行歌楚曲巴江  
寂醉舞吳鉤斗  
宿寒得似文翁應  
不忝知君萬里恣  
鵬搏

温一菴太常歸壽二尊人索詩

二華嶙峋三輔望  
春杯遙挹石池漿  
靈椿自駐青陽  
色瑤草常含紫氣  
光共訝魚緋雙壽  
並還看鳳翮九



霄長待持仙掌金莖露錦瑟年年薦玉觴

送忠銘先生仲兄監事歸瓊州

秋盡驪駒悽客心西峰夕照黯陰陰生平說劍雄仍  
劇此日彈冠氣未沈帝里正回池草夢鄉山欲動嶺  
梅吟鴻飛自與滄溟遠會向春風集上林

送藍山雷君赴湘鄉司訓

湘江東下接星沙鄉國湖南水一涯此去未須重問  
俗臨歧翻覺倍思家烏紗潤帶蒼梧雨絳幄光分紫  
蓋霞解道擁羶官不冷即看桃李着春花

贈唐雙泉還閩闈幕

曾聞江左傳經地更羨川西捧檄來厭聽猿聲神女  
峽却移鳧影越王臺談兵尚挾千軍氣署字應聞百  
里才燕市相逢容易別夕陽煙柳一銜杯

沈年伯葺尊君都諫公石山成索詩

疊石為山野思清嶙峋庭砌見平生閒情總費經營  
在手澤應須肯構成栗里即宜人共醉平泉今與後  
為盟飛翔靈鵲皆祥瑞一擊真誇玉磬聲

陳玉壘修撰輟講歸壽松谷相公

上隨賜公鏹帑甚厚仍命所司致禮馳驛給路費皆  
異數云



紫園草卷六  
元老勲名秉軸年只今綠野主恩偏黃金彩幣紛綸  
下紫誥丹書次第宣司馬歸來看負弩玄成相繼本  
遺編清秋白帝稱觴地上相爭誇有象賢

送黃儀庭太史冊封益藩便歸省母

漢室諸王帶礪盟代看金策下神京名藩建武東南  
麗使節承明侍從榮綸綉久懸公望重江山聊快旅  
遊清還因獻壽成家慶無限依依萬里情

送史鶴汀太史冊封楚藩

楚鄉南望白雲紛乘鶴千年此漢濱玉案寵銜天上  
語寶刀光射斗間文江連夢澤雄風在天入衡山故

口分甚欲相從歸未得薊門無日不思君

送楊楚亭太史奉使東藩

憐君文彩動金華六傳青齊帝子家開社故須盟帶  
礪采真還得御雲霞晴遊日觀看秦樹夜卧天門憶  
漢槎更道靈光新有賦大風東海未堪誇

送馬連城侍御按浙中

少年同學跡俱奇歲晚南宮遇合時已為綈袍深分  
誼更從金馬慰心知才名白筆雄三殿使節清霜警  
百司鷗鷺在空來鴈少海雲何處寄相思

贈殷覺菴之興化



維揚才子少年名華髮猶看意氣橫為惜歲時空  
術能無薦達任風塵登車物望喧諸邑佐郡賢聲動  
百城何必觀濤鄉土念憐君到處近蓬瀛

贈江陵許兩泉赴棗陽兼訊田丈

溽暑都門愴袂分春風幾度鴈為群清尊忽暝西峰  
色寶劔還含北斗文舊里談經聊啓幄他年奏賦欲  
凌雲過從賴有同心在南國音書擬共聞

贈吳年伯榮膺封命同郎君玉屏丈以使節還

滇省慶

玉樹清芬滿執林喜從燕市見披襟曾携寶劔光芒

動一捧綸章寵渥深飛傳綵衣怡客興到家黃菊稱  
鄉心還看雙白垂垂在畫錦春觴思不禁

賀顏龍渠雙生詩

有小序

君以獻賦南宮留京師逆旅中意不自得頃  
乃有此喜異母同時並生尤世所希睹天蓋  
與君之世德顯厥靈異宜有雄篇傳奇紀瑞  
此聊以賀也

霏微瑞靄禁城隈為捧連珠喜氣催金楚太衡雙柱  
峙中原麟鳳二難來交懸弧矢虬龍影競爽機雲駿  
馬臺湯餅向君頻索醉詩成座上更徘徊



同館順衡冲宇二侍御邀遊海殿庄與雲衢龍  
華琢吾三太史賦四首

背郭逶迤柳色遙澹烟初日度輕鑣繞看市遠意方  
愜漸覺山深塵盡消西轉茂林蔽塢徑北過平野見  
溪橋到來臺榭赤霞滿恰似耳邊聞洞簫

四面脩林青一圍西山在眼興全飛香臺金刹響清  
梵丹竈芝房深翠微花下酒尊雲並入席前峰色榻  
相依登臨此地如堪數何必家園便拂衣

薜帷松盖百花叢透屋池塘曲曲通遂以羽觴娛水  
上却移畫舫傍林中歌臺倒映魚龍窟客面貪吹齒

昔風最是碧筒歡未極不將日暮問乘驄

菰蒲遙共玉泉連極浦風烟有濟川屈曲似移山勢  
動笑談應遣酒杯傳厭聽簫鼓妨幽勝只斷塵氛是  
列仙微雨驟催歸騎急尚留餘興待年年

贈陸葵日太史請告還越

客裏秋風歸思生看君行色興崢嶸尊前歧路雙旌  
遠海上烟霞一棹輕他日茂陵傳著作向來藜火在  
承明斑斕喜極應回首解道文星傍玉京

賀張母太安人八十又三壽有小序

懷泉張君官京師念不能以其期還而上太



安人壽則索予詩遙以祝太安人重重三十  
孀居織紵以撫二孤成乃今用懷泉君貴疊  
受封誥諸孫玉立甚盛壽且無量天於有德  
宜其然哉詩之亦欲以風云

遊子燕臺思白雲壽筵應見氣氤氳生平自受冰霜  
性晚節兼多蘭桂芬仙笋味分金掌露御書光動錦  
龍文而今海上籌無數歲歲恩波荷聖君

贈戰中郎夢竹年文通考最還南都

夜酌秦淮欲曙時七年今復共天涯寧無司馬周南  
嘆不少馮唐署裏詩奏最九重名姓動離人千里水

雲思鐘山吟興應如昨為遣飛鴻報所知

生日酬教龍華丈

蹉跎容易負流年客思無端感贈篇雙鬢漸稀強仕  
後一官何補聖君前常披綵服慈能喜但捧明珠後  
有傳不是同心憐我在清秋誰為籲高天

十七夜李戚畹園亭同諸館丈玩月和似鶴之  
什

咸里招邀天上群坐中丹桂落清芬儘教練色如前  
夜看到鐘聲無片雲舞伎漫隨花影亂醉歌應似廣  
寒聞同心此夕情偏放愛惜秋光不忍分



贈同館張念華侍御督漕淮上

茂先才識重遊群  
詞苑當年喜挹芬  
元自南天通里俗  
共依北斗聚星文  
吳中轉餉乘驄出  
海上觀濤作賦聞  
獨有故人方寂寞  
尊前無奈路岐分

九日摩訶菴同雲鶴岳南介菴養初德玉龍渠  
諸君遊

令節秋清風日宜  
祇園幽賞傍東籬  
登高共在諸天界  
理袂重來曲水池  
已似鶴林花爛熳  
不妨蓮社酒淋漓  
同遊總是龍山客  
向晚狂飈入帽吹

冬日送田養初曹州二首

九疑春色坐芳妍  
半夜空山響舜絃  
此曲自聞千載後  
片忱常繫五雲邊  
遊燕忽共逢今雪  
入苑相看限各天  
只似夙心憐赤子  
何人不道使君賢

東方車騎擁都門  
驛路梅花雪後繁  
盡羨楚來新刺史  
更誇齊有舊王孫  
循良望起三刀夢  
海岱歌傳五袴恩  
便見徵書還鳳闕  
平原十日未須論

贈別駕費沱淪還韶陽任

使君驅傳曲江湄  
海上軍儲入度支  
尊酒菊黃霜冷夕  
驪駒梅白雪晴時  
佩刀尚訝干霄動  
縮地寧愁叱馭疲  
况道題輿知已在  
屏星應好日追隨



贈顏龍渠之任項城

蕭齋燈火塵談聞落拓誰憐客思紛只以一城償趙  
壁徐看雙鳥度燕雲青萍斗動龍應躍白簡霜生豸  
作群我亦知君騰奮意紅亭猶自惜岐分

同朱訥齋宋欽所携具賀龍華生子奉答朱教  
二丈

天涯秋杪寒相傍得暇携壺共醉歌况道歲星光滿  
室亦知燕市酒如河看花入座青燈喜與客揮毫白  
雪多最是江南才子地山謳無奈楚人何

邀朱宋二丈飲月下奉酬其什

浙浙秋風旅客悲月明不負菊花期樽醪乍可吾曹  
共桂影偏於子夜宜宋玉風流騷雅擅朱雲名姓殿  
廷知今宵仙籟寒空遍何處關山笛更吹

送涂觀所年丈令尉氏

春雲晴拂都亭柳折柳停杯意黯然廿載江樓憐並  
鶴萬松嶽社憶談天終收神駿燕臺上一起仙鳧御  
座前慷慨諫書看異日勲名無限入青編

送甘義麓侍御僉閩臬

論交金馬追趨日臭味芝蘭幸不殊一擁霜威簪白  
筆共看風采伏青蒲殿中雄俊人誰妬花下招邀我



輦孤想到南閩懷戀處依依獨對栢臺烏

與顧丈過龍華丈問疾留酌花下見示二律倚  
韻奉答

樓上陰雲秋思侵思君吾欲共登臨文園亦自開幽  
徑楚客相依一醉吟坐傍菊叢憐晚節倦敲碁局散  
芳襟明時我輩清閒得浪說仙家島嶼深

菊花杯泛漏將闌剪燭呼盧興更寬自惜年時催客  
鬢任教歌舞罄君歡詩成白雪高誰和劔合青冥迥  
並寒司馬只今多起色秋風仙露瀉金盤

長至朝天宮習儀註籍未赴教丈有作寄情鈞

隱奉答二首

紫霄宮闕集衣冠殿上朝儀凜漠漠官煙滿玉壇香篆  
裊日浮金節瑞光團律占葭管回陽氣劔拂桃花散  
曉寒獨有詞臣容嬾慢空齋高卧夢初殘

履長佳節卿雲飛簪筆年年侍帝闈天祿燃藜新紀  
瑞玉清排仗儼垂衣同君卧病情偏劇與客登臺顛  
不違陽入三微看道泰肯容簞笠戀魚磯



紫園草卷六終

紫園草卷七

衡郡曾朝節著

七言律

出京憶別同館諸丈

一入鑿坡經幾春  
仙群投分總情真  
燃藜未厭分餘照  
折柳還能愴別神  
江路悠悠憑鼓楫  
薊雲漠漠欲迷人  
兒童不墮紅亭淚  
漫捲詩書喜氣新

張濟憶亡弟敬卿

獻賦長安幾度回  
買舟多在潞河隈  
半生偃蹇此陳迹  
何地登臨無舊臺  
忍辨鴈棲曾並處  
尚疑鶴馭忽



飛來金函玉節看今日不信山陽笛總哀

奉太孺人入舟頗安之志喜

直暇潘輿得奉驩今來承命五雲端侏儒斗粟慙能  
養驛路扁舟喜漸安新雨萬流添巨壑通津一鏡淨  
微湍清颺入幙心無繫到處江山作畫看

舟中懷池明洲太常莊梅谷太史蕭念渠周念庭左諫

並日分封畫舫來津樓烟柳幾追陪清輝初月看相  
映逆旅芳樽見擬開一隔水涯迷望眼縱臨山色悵  
登臺還思岱嶽侵窓入徙倚賡歌亦快哉

阻風即事

一片濃雲碧欲流已占甘澍徧千疇天工近覺於民  
薄風伯狂來作雨仇旱虐似聞連北壤水荒何得又  
南州不堪滿目蕭條甚江海相看愧國謀

清源張念華漕院席上

我亦乘槎海岱邊三山何處會群仙平原恰是停驄  
地祕館還思並席年坐擁風雲俱意氣看扶日月屬  
才賢當筵更訂南山約七十二峰行紫烟

同念華丈喜雨

高宴逢君客况新語移亭午忽生春石尤河上曾仇



汝玉液堦前不厭人已覺東疇回潤澤還思中夜滴  
逡巡向來愁絕惶惶意造物蘇民果自真

樂善書院

別館芳筵啓夕陰歲蕤萬玉藹沉沉初穿曲徑樓臺  
遍忽轉橫塘洞壑深窈窕未殊蓬島樂徘徊真動薜  
蘿心星軺欲住憐為客無限神情寄碧岑

法相岩內宇太守席上同大行寅所年丈賦

郭外招尋古洞隈華筵何意使君開諸天歌舞神人  
下勝地登臨我輩來佛法自空山下石酒杯不礙性  
中胎携壺樓閣諸公看滿寺白雲堆綠苔

邵陽贈別寅所年丈

余與寅所丈同使吉岷二藩自澧入潭再越  
武岡殆幾一月茲別乃遂取道湘鄉不復度  
衡爽約石鼓黯然興懷爰述於詩為贈篇云

雙鴈星沙接羽飛衡陽西上更相依秋峰嶽麓看碑  
字曉洞都梁坐衲衣自以踈狂投意氣鎮從遊賞挹  
光輝期君石鼓終無計悵望雲山隻影歸

楚天欲盡久為客濱水不流清客情對酌况逢秋日  
好相離忽感晚涼生俱稱使者憐同調已近家山愴  
異程戀別未須重淚墮春風携手鳳凰城



瀟湘病卧阻遊家山悵然有作

乍過瀟湘秋色分邵陽歸後鴈初聞不辭黃菊籬邊  
酒好卧朱陵洞裏雲司馬只今堪伏枕盧敖終自欲  
離群拚將藥裹隨遊鞚已覺翩翩野鶴紛

宿黃橋館有懷潘參任菴陳丈時入賀歸蓉城  
鳴珮相隨集帝京幾人高誼契平生中原近凜觀風  
操西粵新傳化俗名入闕共看承湛露歸輶何意隔  
芳塵山郵倍是相思地欲夢夫君總未成

歸途夜雪同舍弟信卿賦

蕭蕭風雪覺歸難傍夕寒帷白玉壇日月似停雲漢

上光華偏與歲寒寬思擗卷帙連霄遍擬拾瓊瑤結  
客歡且共季方歌進酒梅花忽報出林端

管慕雲督學枉贈歸武溪詩倚韻奉答

卧病經旬湘水西稍疑歸路怯山谿出門忽霽鐵關  
雨度馬遥分錦障泥慙搦彩毫才總下幸裁白雪字  
親題衡茅定有神訶護為閃龍光暮色低

省先塋度嶺有懷馬連城侍御

南過粵嶺百重来更指連州望眼開仲蔚昔年文豹  
隱長卿何日使車回誰尋舊約樽前酒定捧新恩薊  
北臺欲寄隴梅愁似結萬峰天外晚烟堆



秀巖作

家山入夢宦情微雲鎖空巖客未歸使節似緣清興  
迫間遊方悟俗塵非峯巖大士青蓮界石作幽人白  
板扉有路上昇仙境別好驂鸞鶴九霄飛

送史念橋左諫冊封德藩

帝冊王孫曉殿開東藩龍節諫臣來從天千騎鳴鞭  
度擁傳諸侯負弩回北斗平臨秦樹杪中原一望漢  
關限將因奉使詢民瘼定採風謠遍九垓

送萬涵臺左諫冊封晉藩

左省新承使命榮河山千里度前旌風雲一擁金函

出日月常依玉節明挾藻石渠元並席封章瑣闥雅  
知名過家莫戀青林色蚤為蒼生入鳳城

贈丁海暘別駕二首

洞湖南簇嶽峯青鼓棹蒸湘江上亭曾是昔賢揮塵  
處故應名德使車停民多逋負征求日邑有寘頑訟  
獄庭一郡春風看到部政成吾擬頌屏星

雅聞高義九華巔客邸相逢倍灑然共惜說鈴成幻  
妄誰明聖諦斷言詮依依笑語生春色隱隱離情起  
暮煙石鼓舊堂今乍遠衡雲湘月夢魂邊

初秋期舍弟侍家慈酌



客邸其如溽暑何一杯今夜興應多  
新涼不病文園渴好景偏宜玉季過  
共着綵衣將壽筭定羸宮錦賦  
明河高堂慣聽泥金報朱鳳從來傍禁坡

和龍華太史蓮花菴韻二首

昔年休沐過雙樹共坐蓮花憶老僧  
風入榻來香細細霞標水上影澄澄  
碧筒一許開幽酌貝葉還思就佛燈  
忽誦君詩心已寂清秋如對玉壺冰  
冗散應知暇可乘蓮花池上水雲蒸  
幻看倒影峰俱落悟入空華几自凭  
但了八千言外偈何論九萬里餘鵬  
誰將佛法逢人說恐是西方不二僧

和似鶴入都之作

燕市同盟酒劇乾天涯蹤跡况悲歡  
經年白帝城邊路此日蒼龍闕下冠  
省臬暫分三殿直雲霄不礙九秋翰  
看君倍覺神情遠豈但詩登上將壇

送黃葵陽太史奉使朝鮮

從臣緋玉儼三公詔下藩王禮數崇  
迎擁萬靈過海上傳驅千騎度遼東  
春隨玉節開殊域望滿金華佇舊叢  
共說壯遊詩思迥箕疇重為振流風

舊衡陽周同野以廣州二守改岳州有贈

嶽下傳經憶大師衡陽為政有遺思  
諸生燈火清秋



夜到處桑麻足雨時漢詔喜從三殿下仙旌那復五  
羊遲君山暫往期重入起草年年侍玉墀

奉和李斗野公鴈峰觀燈韻是夕滿城燈火爭  
赴峰上東岼萬炬傍江而列如陣遙以為公樂  
若督之而然故不可無紀也

此夕歡看勝跡開峰頭燈火坐週迴應疑珠斗浮空  
漏共訝金蓮擁殿來樂事自多停蓋處歌聲還聽隔  
川隈頻將萬炬搖江色為薦春杯百尺臺

劉望榆張芝陽盧德玉李旭峯李鑑池觀入小  
集用鴈峰觀燈韻

一片愁心黯未開逢君貪戀此天涯苦作三年  
別燕市欣從萬里來塵跡偶叨金馬署故鄉俱在楚  
山隈匡扶事業惟公等欲向瀟湘倚釣臺

送趙行吾比部出守辰州

清朝詞客白雲樓五馬春風出帝州花發武陵征旆  
近郡如勾漏訟庭幽閒尋大酉元仙窟望入重湖是  
勝遊欲待政成看舊侶酒家燕市散離愁

贈蔣學諭之麻陽

此地談兵憶昔年故鄉文教亦依然尚須啓惺勞新  
檄也自篝燈擁舊氈桃李欲滋蠻峇雨風雲不隔薊



門天都亭落日愁為別望盡行塵起暮烟

遊中峰宿翠巖寺

見說中峰倚太虛西山一望欲何如  
閒因休沐思逃寂坐傍跏趺賦遂初  
碧落巖扉盤石磴青蓮寶界卧  
蘧廬看山對酒吾曹事豈但金門老校書

癸未初度

清秋燈火艷今朝客裏生辰總寂寥  
何處松楸纔夢破幾年萍梗一身遙  
欲催短髮風霜急恐負初心歲  
月消老母念兒頻進酒萊衣常是傍雲霄

贈秀嶽先生赴吳江任二首

涼秋遠色澹林梢對酒離歌動暮郊  
華髮逡巡憐鳳彩青雲薦達愧螭坳  
吳中佐縣看新檄江上行春解  
舊鞞官署吟哦應不厭松風長日響絃匏  
曾持玉節此經過城郭雲霞海氣多  
不遣荒年憂負責從知清世罷煩苛  
沿泗江樹平疇望入聽吳趨子  
夜歌想見風流為政日薦書頻喜沐恩波

贈克齋赴葉縣任

河陽一縣倚嵩高驛路垂陽映客袍  
入境不勞重問政送君無奈正持螯  
風塵乍覺違初服斗氣還應識  
寶刀最是仙人飛鳥地好從雙闕慰吾曹



和陸太史新築書屋韵四首

風流金馬旅情寬  
對客揮毫思不難  
舍裏正臨清禁  
樹臺邊還蕪故鄉  
蘭攤書忽送西峰  
色倚劔偏凌北  
斗寒最是秋看鴻  
鴈夕月華仙露掌  
中盤  
僊僊風骨不須疑  
合從崑崙與具茨  
帝在五雲依玉  
案人從三島羨瓊  
枝坐開小閣逢秋  
盡吟傍長楊聽  
漏遲獨有鄭莊清  
興滿馬蹄杯酒共  
幽期  
冷署都無物役牽  
高齋卜築亦悠然  
秋來黃菊花初  
盡夜靜青藜杖有  
烟怪底陸生工作  
賦從知王子共  
談玄頻過取醉元  
同調坐看宮雲入  
暮天

有客金門澹不愁  
著書餘暇小堂幽  
只除三徑俗置  
斷旋置一尊吾黨  
留看盡浮雲惟白  
眼拚多閒日亦  
清流山中樂事成  
虛負且向君家乞  
醉侯

寄懷甘應溥館丈

同學支離歲月深  
美人鄉國厭朝簪  
高齋起色青山  
興遠道相思綠綺  
琴一隔酒杯芳訊  
杳獨看春草夕  
陽沉知君鼎鼎風  
流在未必江臯只  
苦吟

早春同徐肖及李順衡易海州遊廣通寺

小雨春容澹不妍  
愛看郊寺貯風煙  
尊移曲沼園亭  
上影入山中野水  
邊草已欲青應遍  
地柳猶含綠是



初年相携此日饒幽興曠適何勞羨列仙

廣通寺樓上

野外高樓有大觀凭欄偏覺野情閒  
何來妙曲青天  
上笑指群峰紫邏間  
忍草忽霑初雨潤塵纓欲濯小溪灣  
莫言侍從妨幽事  
醪酌春城薄暮還

贈裨衲

庵中一衲一裨經與客相過  
眼倍青茗椀自供還  
下拜蒲團同坐欲忘形  
悟來方外先生語舉似堂前古  
佛聽話  
久夜深方起座不知花雨滿空庭

贈同年羊嵩原侍御巡鹽兩浙

新晴芳甸度輪軒  
閣下風移衆所喧  
嵩嶽降神山甫  
後豸冠持法太微垣  
清霜六月東吳遠  
白簡三臺壯  
極尊最是曉春催  
折柳陽關渾欲咽  
離樽

鄒南臯給諫調官之金陵贈別

南荒為戍一孤臣  
萬死歸來重士紳  
自秉丹心惟報  
國况陪青瑣敢謀身  
諄諄每獻忠邪疏  
款款還披得失陳  
聖主終看容抗直  
從知芳譽在千春

夕郎仙骨獨森森  
南去其如烈士心  
未論左遷違省  
直不妨嚴譴罷朝簪  
看來陳跡憂還劇  
悟透玄關趣  
轉深臨別躊躇何所贈  
無絃太古一瑤琴



茶園草卷七  
十  
偕徐余二丈訪汪渠瀛侍御報國寺登毘盧閣  
用張芝陽侍御韻

何年法界敞層樓滿袖春風雨乍收宛轉丹梯天共  
迥周迴碧檻佛同遊虛無大地乾坤眼縹緲祥雲百  
二州一自出山依北斗登高撩得古今愁

寶地春晴訪客遊諸天與客一凭樓日華海上霞光  
映野色山邊雨氣浮何處黃金臺舊築為誰白晝壁  
堪投相看總是匡時彥我欲閒駭象外蚪

題張仙祠和宮諭李棠軒先生

真仙祠廟蜀山阿想像精靈遠碧蘿披緜總看珠斗

淨懸弧曾訝羽衣過為酬神貺來江藻已勒玄功  
郢歌世史龍門應共羨池端頻見鳳毛多

次張念華館丈法藏庵韻

愁病空齋睡思沉一來塵外總雲林清風鈴鐸塔輪  
靜翠壁藤蘿僧院深竟日閒情堪中酒幾時幽賞更  
知音家山只在朱陵洞萬壑千巖久廢尋

陳合江擢諭贊皇用韻

到處頻看俎豆陳憐君常作遠遊身燕南冀北應宜  
客槐水檀山且結隣移幄總為瞻仰地逢春俱是詠  
歌辰從知己卜三鱣夢豈嘆明珠委路塵



夏日借余徐二太史江張李三侍御邢大行易  
虞部遊蓮花池和張侍御韻

俯檻曾看浸碧虛招尋忽共午風餘波光遍寫群花  
影暑氣偏嬌六月葉綠蓋似邀春色住紅粧還趁晚  
霞舒期君莫惜當筵醉怕換秋颺入素裾

贈玉屏館文督學貴陽

染翰同時集鳳池籌邊名動縉雲司諸生品藻需才  
子列郡橫經仰大師駟馬正過題柱路文風今遍卜  
鷄陸從來韜略看俱慣矯首青天振羽儀

贈張芝陽侍御赴汀漳臬憲

都門楊柳高秋色風日淒清愴別離一自巴州徵茂  
宰幾從尊酒見新詩陳言疏上期匡主說劍人前易  
忤時环重南遊看遠業幔亭山好是恩私

贈劉九之湘鄉司訓

薊門為客怯初寒耐可驪歌動去鞍自以一尊牽別  
袂欲從千里勸加餐行過宛洛鄉山近坐對圖書旅  
夢安到日梅花開正滿與誰同茹五辛盤

曾羨珊瑚間木難季方今日始為官青鞵八座寒初  
覺彩筆凌雲夢未闌風土共憐湘水並畫圖偏與嶽  
峰看從知客興翩翩在無計隨君一采蘭



贈李鑑池民部使遼陽

才子為郎草奏餘每從杯酒款華裾行邊欲度平沙  
界奉使還乘薄板車千里戰雲連鄆塞幾年兵氣動  
儲胥知君指顧饒籌畫蚤晚東方息羽書

亡兒生日揆悶

一寸明珠黯不收尚餘殘淚灑荒丘歡來只擬麟為  
孔夢破空知蝶是周塵土悠悠遊子恨鬢毛颯颯向  
人秋共言丹桂芳華晚但覺庭堦瑞色浮

葉侍御擢臬憲赴嶺北有贈二首

驄馬春銜碧草嘶柏臺新渥出金闈天涯交契憐兄

弟海內文章憶品題別後行邊江柳不

堪迷從知客夢今難越却在螺山路驚水西

肯信清朝直道難使君江外惠文冠霜稜也自威蠻  
谷天路終須振羽翰與客談兵營幙靜有時看劔斗  
光寒他年經畧需能事授閩還誰大將壇

陸敬承太史令弟敬脩歸浙秋試索贈

聞道囊中綠綺琴待操白雪與知音興來忽共姜肱  
被春盡翻為莊鳥吟曾羨僧彌名競爽定勞靈運夢  
追尋秋風鴈字青冥外佇有佳聲入上林

許鑑湖錦衣邀賞盆荷有作次其韻



夢裏江南唱採蓮西郊亦自迴風煙何如三逕有清  
賞倒著一枝于碧天盆水與花方湛湛嶺雲將雨欲  
涓涓靜聞香氣濃於酒似對蓬山共艱然

奉酬張質卿東巡漁陽誤聞余有校文之命寄  
懷時持論譏防紛紛故首句云然

也漫愁過冀北羣虛勞詩句遠相聞閒時痛酌仍知  
已勝地清遊只憶君塞上霜威生攬轡庭前月色遲  
論文從知使節先秋至已辨關門結紫氛

壽崔衡崖父母六十

載筆鑿坡有賜衣還聞雙壽駐春暉一尊掌上分仙

露五夜天邊識少微笑傲烟霞鷄侶並光華日月鳳  
毛稀知君歲歲斑斕舞只傍紅雲在帝畿

夜集敬承太史來爽臺二首

同心臺上一攀躋把酒凌空意共迷城闕帶秋宮漏  
永星辰入座海雲低涼生並挹西山氣月落還分太  
乙藜肯信草玄甘寂寞風塵全不礙幽棲

高臺只在鳳樓西臺上真堪紫鳳棲遠岫度雲連太  
液涼秋將月照玻璃頻看瑞靄團仙樹滿挹流霞聽  
曉鷄最是吾儕心賞洽閒來都入數行題

中秋同公亮貞復敬承國聘集質卿第即用中



紫園草卷七  
秋二字為韻各賦二律

玉霄今夜廣寒宮湛湛金波灑氣中青女欲持天酒  
供素娥多在桂花叢初看海上清輝發漸覺人間大  
地空不淺南樓吾黨興一尊偏喜薊門同

野鶴盤雲警素秋高齋兀坐亦窮愁忽看練色過前  
夕為憶芳盟屬舊遊引滿可酬天上月凌空思控海  
中蚪西臺醉裏貪留客肯向殘尊厭拍浮

芝陽僉憲入賀還閩臬賦贈時有宴會禁

岳牧南來集玉墀同心今日易相離惟看賜賚承恩  
數盡為交游罷燕私沽酒與君嫌對客懷人何地更

談詩都門草草終無賴獨立西峯欲暮時

十七夜集楊貞復宅限韻二首

為憐明月共停驂况是才人自嶺南好景一年能更  
幾中秋今夜已過三興拚潦倒狂揮麈坐倚清輝對  
盞簪勝侶良宵堪戀戀樽前殊似昨來酣

諸公吟社擁麾旌又為今宵逗北窓檻外螢飛光點  
點雲中鴈度影雙雙縱教月色三分瘦未許雄心半  
夜降詩思酒情秋興遠乘槎渾欲泛湘江

夜同陸敬承集茂仁齋中次敬承韻四首

花邊座晚風微閉戶真堪與俗違有客過談將進



酒與君同醉澹忘歸初疑幽榻懸崑閬欲被新詩入  
軫微共道先鋒誇陸九當場誰為解重圍

肯厭深杯者玉繩自憐華髮近來增纔逢綠酒憑投  
轄久在紅塵只飲冰氣味偶同雙白壁風流無恙一  
烏藤東簷樹杪來明月黯淡從侵靜夜燈

天涯懷抱向誰傾旅思凄然故國情落葉無聲霜自  
冷清秋欲暮劒空鳴閒隨酒伴風塵遠倦倚花枝夜  
月明興為呼盧翻坐久不知宮漏過初更

西風吹樹雨淒涼夕霽庭前樹影長塞鴈一聲聽上  
危宮雲五色清東塔林歸暮雀驚秋葉柳宿寒蟬咽

曉霜醉裏不堪礎韻急檣前真為罷霓裳

九日西郊同諸子賦得重陽登高四韻

遙巒秋色傍吟筇一逕垂楊有舊蹤並轡平原祇樹  
引入門初地法雲重僧家飯客供香鉢講席聽經坐  
雪峯欲宿上方遊興滿隔林叢菊對高春

清秋佳節屬高陽共為黃花盡羽觴嶺海荔漿千日  
醉桓溫叅佐幾人狂風前落葉棲霞禱天外征鴻叫

雪堂時序他鄉任流轉牛山不用淚沾裳是日貞復携荔枝酒

藤蘿百尺諸天迥結駟西來此共登項羽古臺曾戲  
馬淵明禪社不同僧雲林近接燒丹洞羽客常貽醒



酒冰亭下流觴吹帽落高秋寒氣碧山層  
賸逢秋令駐蘭皋黃菊籬邊欲媚陶松暝一龕僧入  
定山鳴萬籟客登高常因勝賞後羣彥每有雄談屈  
二豪自負百年幽興在霜飛不惜髣刁騷

紫園草卷七終